

Broj: 02-13/101

Datum: 14. 11. 2024. god.

Univerzitet u Sarajevu – Filozofski fakultet
Odsjek za slavenske jezike i književnosti

Pročelnik za nastavu
Predstojnik za književnost
Predstojnik za nastavu
Dijeljenje
15.11. – Dječji fakultet
14.11.2024. Jurić

Datum: 12. 11. 2024.

Broj:

**ODBORU ZA OSIGURANJE KVALITETA FAKULTETA
PRODEKANESI ZA NASTAVU I STUDENTSKA PITANJA****PREDMET: Provođenje interne evaluacije nastavnih planova i programa na Odsjeku za slavenske jezike i književnosti i pokretanje Inicijative za izmjene i dopune studijskog programa na I. ciklusu studija**

Poštovani,

Odlukom Vijeća Fakulteta od 10. 10. 2024. godine pokrenut je postupak interne programske evaluacije po isteku trajanja ciklusa studija u kojem se realizira studijski program u skladu sa odredbama Zakona o visokom obrazovanju („Službene novine Kantona Sarajevo”, broj: 36/22.).

Za provođenje postupka interne programske evaluacije imenovana je Komisija u sastavu:

1. Prof. dr. Amela Ljevo-Ovčina, vanredna profesorica,
2. Prof. dr. Adijata Ibrišimović-Šabić, vanredna profesorica,
3. Dženana Hajdarpašić, MA, viša asistentica.

Prijedlog članica Komisije jednoglasno je usvojen na 1. e-sjednici Vijeća Odsjeka od 15. 10. 2024. te na 10. redovnoj sjednici Vijeća Fakulteta od 11. 11. 2024. godine.

Odsjek za slavenske jezike i književnosti Univerziteta u Sarajevu – Filozofskog fakulteta odlučio je usvojiti Inicijativu za pokretanje procedure za uvođenje izmjena i dopuna studijskog programa na I. ciklusu studija i pristupiti internoj programskoj evaluaciji.

S obzirom da je prošao vremenski period od 3 (tri) godine trajanja ciklusa studija, pokretanjem Inicijative, Odsjek postupa u skladu sa članom 14. Pravilnika o postupku usvajanja i izmjene studijskih programa na Univerzitetu u Sarajevu, u kojem se naglašava redovno osavremenjivanje studijskih programa. Pored toga, Zakon o visokom obrazovanju Kantona Sarajevo (član 80) jasno propisuje obavezu da se izvrši evaluacija studijskog programa najmanje po isteku jednog ciklusa studija na kojem se realizira aktuelni studijski program, što predstavlja unutrašnju ocjenu sistema osiguranja i upravljanja kvalitetom.

Nakon izvršene detaljne analize i provedenog postupka interne evaluacije NPP 2019/2020. utvrđeno je da postoje razlozi za izmjene i dopune studijskog programa na I ciklusu studija. Na temelju Samoevaluacijskog izvještaja Odsjeka za slavenske jezike i književnosti za I ciklus studija, koji je dostavljen Odboru za osiguranje kvaliteta i Službi za nastavu, prodekanesi za nastavu i studentska pitanja Univerziteta u Sarajevu –

Filozofskog fakulteta 29. 12. 2023. godine, Odsjek predlaže i daje obrazloženje za sljedeće izmjene Nastavnog plana i programa Odsjeka za slavenske jezike i književnosti 2019/2020. na I ciklusu studija:

Odsjek za slavenske jezike i književnosti Univerziteta u Sarajevu – Filozofskog fakulteta zajedno sa Odsjekom za slavenske i orijentalne studije Univerziteta u Poitiersu planira pokrenuti novi master studij u okviru projekta dvojnih diploma. Planirani studij, pored ostalog, podrazumijeva da će studenti iz Poitiersa boraviti na našem Odsjeku u 2. semestru II ciklusa, a da će naši studenti odlaziti u Francusku u 3. semestru II ciklusa. Kako bi studenti našeg Odsjeka mogli pratiti nastavu na ovom francuskom univerzitetu potrebno im je poznavanje francuskog jezika. Kao rješenje Odsjek predlaže:

1. da studenti slušaju i polažu *Francuski jezik (opći)* u okviru izbornih predmeta sa unutrašnje liste Odsjeka, i to: *Francuski jezik I (opći)* u 5. semestru i *Francuski jezik II (opći)* u 6. semestru I ciklusa studija;
2. da se studentima koji planiraju upisati II ciklus studija – nastavnički smjer ostavi mogućnosti da slušaju i polažu predmete prema aktuelnom NPP-u (2019/2020.godina): *Inkluzivno obrazovanje* (5. semestar jednopredmetnog studija) i *Didaktika* (6. semestar jednopredmetnog studija). Na Odsjeku za slavenske jezike i književnosti navedeni predmeti iz PPDM grupe su obavezni;
3. da studenti Odsjeka za slavenske jezike i književnosti koji žele upisati novi studijski program dvojnih diploma pohađaju i nastavu iz engleskog jezika: *Engleski jezik 1 (opći)* u 3. semestru studija i *Engleski jezik 2 (opći)* u 4. semestru studija, kao i *Vještine usmene i pismene komunikacije I* i *Vještine usmene i pismene komunikacije II* sa Odsjeka za romanistiku – Francuski jezik i književnost u 1., odnosno 2. semestru studija.

Posebna pažnja bit će posvećena preciznijem definiranju ishoda učenja, kao nezaobilaznom indikatoru mjerenja vještina, sposobnosti i znanja studenata pri pohađanju, odnosno završetku pojedinog kolegija ili studija u cjelini.

Mišljenja smo da će izmjene i dopune studijskog programa na I ciklusu studija ne samo osigurati prohodnost na II ciklus – novi studijski program dvojnih diploma (procedura usvajanja novog studijskog programa dvojnih diploma na II ciklusu studija je u toku), već je riječ o osavremenjivanju i inoviranju studijskog programa u skladu sa Pravilnikom o postupku usvajanja i izmjene studijskih programa na Univerzitetu u Sarajevu, kao i u skladu sa članom 91. stavom 2. Zakona o visokom obrazovanju („Službene novine Kantona Sarajevo“, broj: 36/22) i članom 150. Statuta Univerziteta u Sarajevu, broj: 01-14-3S-1123 od 26. 7. 2023. godine, prema kojima posebno mjesto treba posvetiti mogućnostima organizovanja studija na studijskim programima u saradnji sa drugim univerzitetima unutar BiH i izvan BiH, na osnovu već potpisanih sporazuma ili sklapanja novih.


Procjenjujemo da se važeći studijski program navedenim prijedlogom izmjena i dopuna neće mijenjati za više od 30%.

Na osnovu gore navedenog, Odsjek za slavenske jezike i književnosti pokreće postupak interne programske revizije i postupak izmjene i dopune studijskog programa, odnosno njegovog inoviranja u cilju modernizacije i internacionalizacije studijskog programa.

Komisija koju je imenovao Odsjek za slavenske jezike i književnosti će pravovremeno završiti rad na izmjeni Nastavnog plana i programa na I. ciklusu studija i proslijediti potrebne dokumente u daljnju proceduru.

S poštovanjem,

Prof. dr. Adijata Ibrišimović-Šabić



RUKOVOĐITELJICA

ODSJEKA ZA SLAVENSKE JEZIKE I
KNJIŽEVNOSTI

Vijeće Odsjeka za slavenske jezike i književnosti na sjednici održanoj dana 13.11.2024. usvojilo je Inicijativu za pokretanje procedure za uvođenje izmjena i dopuna studijskog programa na I ciklusu studija.